



## **X Godišnja Konferencija (i generalna Skupština) Evropskih partnera za borbu protiv korupcije (EPAC/EACN)**

**Rumunija, 17–19 novembar 2010**

### **ORADEA DEKLARACIJA**

Mi, predstavnici nacionalnih tijela za kontrolu rada policije kao i šefovi i ključni predstavnici nacionalnih antikorupcijskih organa država članica EU i Savjeta Evrope koji smo se okupili u Oradei, Rumunija na svojoj X Godišnjoj konferenciji (i generalnoj Skupštini) EPAC mreže, Evropskih partnera u borbi protiv korupcije (uključujući i Mrežu kontakata Evropske unije za borbu protiv korupcije, EACN), posvećenu "Evropskim principima za integritet - Novi vidici", *srdačno* pozdravljamo rezultate postignute proteklih godina i izjavljujemo sledeće:

*Izražavajući* svoju zahvalnost Rumunskim domaćinima, Upravi za antikorupciju (AGD), Nacionalnoj upravi za antikorupciju (DNA), i DGIPI-u na organizaciji Konferencije i *duboko se zahvaljujući* na srdačnoj gostoljubivosti koja je doprinijela uspjehu Konferencije;

*Zabrinuti* zbog ozbiljnosti prijetnje koju korupcija predstavlja za stabilnost i sigurnost društava, potkopavajući institucije i vrijednosti demokratije, etičke vrijednosti i pravdu, te ugrožavanja održivog razvoja, socijalnog i ekonomskog prosperiteta i vladavine prava;

*Ponovivši* potrebe da se osiguraju transparentnost, dostupnost, odgovornost, zakonitost, nepristranost i integritet u svim sistemima stvorenim za kontrolu rada policije i borbu protiv korupcije;

*Promovišući* poštovanje vladavine prava i ljudskih prava u svim aktivnostima vezanim za kontrolu rada policije i borbu protiv korupcije;

*Podsjećajući* na brojne međunarodne konvencije, instrumente i mehanizme, kao što su Konvencija UN-a za borbu protiv korupcije (UNCAC); Građansko-pravna i Krivično-pravna konvencija Savjeta Evrope za borbu protiv korupcije; Konvencija OEBS-a za borbu protiv podmićivanja stranih državnih funkcionera u međunarodnim poslovnim transakcijama; Haški i Štokholmski program Evropske Unije; Sveobuhvatna strategija EU za borbu protiv korupcije; Univerzalnu Deklaraciju UN-a o ljudskim pravima; Konvencija UN-a protiv torture i drugih okrutnih, nehumanih ili ponižavajućih kazni i postupka; Međunarodni pakt o građanskim i političkim pravima; Principi Ujedinjenih Nacija vezani za status i funkcionisanje nacionalnih institucija za promovisanje i zaštitu ljudskih prava (Pariški principi); Evropska konvencija o ljudskim pravima; Konvencija Savjeta Evrope o sprječavanju torture i drugih okrutnih, nehumanih ili ponižavajućih kazni i postupka; i Povelja Evropske Unije o osnovnim pravima;

*Konstatujući* relevantne odluke Europskog suda za ljudska prava i objavljivanje mišljenja Komesara Savjeta Evrope za ljudska prava 12. marta 2009. godine vezanog za nezavisno i efikasno odlučivanje o žalbama na rad policije;

*Uvjereni* u značajan doprinos koji stručne organizacije i civilno društvo mogu učiniti za efektivno sprovođenje svih ovih instrumenata;

*Pozivaju* sve učesnike da temelje borbu protiv korupcije na pristupu koji se zasniva na prevenciji, obrazovanju, sprovođenju zakona, i saradnji;

Podsjećajući na M.A.D.R.I.D. Izvještaj Savjeta EU za pravosuđe i unutrašnje poslove (JHA) (10203/10, Jai 473, COSI 35) od 26. maja 2010, koji pozdravlja podršku koju Mreža kontakata Evropske unije za borbu protiv korupcije (EPAC / EACN) i Međunarodna akademija za borbu protiv korupcije (IACA) mogu da pruže daljim aktivnostima EU u borbi protiv korupcije;

*Podsjećajući* na deklaracije EPAC-a iz Beča 2004, Lisabona 2005, Budimpešte 2006, Helsinkija 2007, Mančestera 2008, i Perle 2009. godine;

*Pozdravljajući* uspjehe III Konferencije država ugovornica UNCAC-a u Dohi, Kataru, novembra 2009, a posebno usvajanje mehanizma praćenja implementacije;

*Priznajući sa velikim zadovoljstvom* napore Kancelarije Ujedinjenih nacija protiv narkotika i kriminala (UNODC), Republike Austrije, Evropskog biroa za borbu protiv pronevjera (OLAF) i sve većeg broja država ugovornica i drugih međunarodnih učesnika koji su doveli do osnivanja prve Međunarodne akademije za borbu protiv

korupcije (IACA) u Laxenburgu, Austriji, koja će funkcionisati kao međunarodni, međukulturni, međusektorski i međudisciplinarni centar na poljima antikorupcijskog obrazovanja, treninga, saradnje i akademskog istraživanja;

*Prihvatajući* učešće organizacije EACN (Mreža kontakata Evropske unije za borbu protiv korupcije), pozdravljajući dostignuća EPAC-a (uključujući i EACN)(i njegove radne grupe), te *potvrđujući* svoje opredjeljenje da i dalje podržavamo razvoj EACN-a u okviru postojeće saradnje sa EPAC-om:

1. *Naglašavamo* potrebu za obezbjeđivanjem neophodne nezavisnosti evropskim nacionalnim tijelima za kontrolu rada policije i nacionalnim antikorupcijskim organima u skladu sa osnovnim principima njihovih nacionalnih pravnih sistema kako bi bili u mogućnosti da obavljaju svoje aktivnosti efikasno i slobodno od bilo kakvog uticaja;
2. *Naglašavamo* specifičnost EPAC-a kad su u pitanju države članice EU i Savjeta Evrope, kao i *podstičemo* formalnu operativnu saradnju u okviru Evropske Unije jačanjem saradnje između mreže kontakata EACN-a pod okriljem EPAC-a;
3. *Odobravamo i podržavamo* razvoj i *pospješujemo* aktivnosti Mreže kontakata Evropske unije za borbu protiv korupcije, EACN, kao sledeći značajni korak u razvoju saradnje evropskih tijela za kontrolu rada policije i nacionalnih antikorupcijskih organa u okviru postojeće saradnje unutar EPAC-a;
4. *Izražavamo zadovoljstvo* uspostavljanjem UNCAC mehanizma praćenja implementacije, i obećavamo nepokolebljivu podršku njegovom punom i efikasnom funkcionisanju, kao i pozivu Evropske Komisije da (dodatni) mehanizmi praćenja i izvještavanja neće duplicirati već postojeće instrumente i neće povećati (administrativne) obaveze nacionalnim tijelima za borbu protiv korupcije već će se postići sinergija sa postojećim mehanizmima, posebno GRECO mehanizmom;
5. *Učvrstiti* ostale oblike međunarodne saradnje i održivu razmjenu iskustava i znanja promovisanjem navedenih međunarodnih konvencija i mehanizama, i na taj način jačati evropski pristup ovim instrumentima i na operativnom nivou;
6. *Pohvaljujemo* predsjednika EPAC-a (kao i EACN-a) za sklapanje sporazuma ili dogovora u cilju jačanja saradnje sa relevantnim institucijama i organizacijama i *ovlašćujemo* ga da nastavi aktivnosti u tom pravcu;
7. *Prepoznavamo* da je za pravilno funkcionisanje mreže potrebna čvrsta i stabilna finansijska osnova koju ne pokriva isključivo jedan mali broj članova;

8. *Cijenimo* izraženu spremnost Evropske Komisije za podršku (finansijsku ili ne-finansijsku) EPAC-u / EACN-u i *pozivamo* Evropsku Komisiju da to ostvari pravovremeno i na najdjelotvorniji i najpragmatičniji način;

9. *Pozovamo i ovlašćujemo* predsjednika da, zajedno sa zainteresovanim članicama, pristupe razgovorima sa Evropskom Komisijom (i drugim relevantnim učesnicima) i istraže načine i sredstva kako bi podrška bila upućena pravovremeno i na najbolji način, i da najkasnije na sljedećoj godišnjoj konferenciji (zakazana za novembar 2011) izvjestite o rezultatima tih razgovora;

10. *Pozivamo* sve EPAC partnere da učestvuju u radu jedne ili više **Radnih grupa** EPAC-a u 2011: "EPAC/EACN finansije" kojom predsjedava Predsjednik, "Antikorupcijski standardi" kojom predsjedava Potpredsjednik, "Principi za kontrolu rada policije" kojom predsjedavaju Engleska i Vels, da koordinišu svoje sastanke i razmatranja sa Sekretarijatom u cilju čuvanja dostignuća i razmjene informacija, kao i da zaključe svoj rad i prosljede rezultate Sekretarijatu Predsjednika najkasnije četiri mjeseca prije održavanja sljedeće godišnje konferencije, i, konačno, *zahtjevamo* od Sekretarijata i predsjednika da dobijene rezultate razmotre i prosljede svim članovima najkasnije tri mjeseca prije održavanja sljedeće godišnje konferencije kako bi mogli biti razmatrani i usvojeni na sljedećoj godišnjoj konferenciji, koja će biti održana novembra 2011;

11. *Priznajemo i prihvatamo* sa zahvalnošću, dok pronalaženja trajnog rješenja, ponudu IACA-e da podrže i ugoste Sekretarijat Mreže;

12. *Ponavljamo* poziv svim članovima da - na dobrovoljnoj osnovi - podrže Sekretarijat (npr. kroz upućivanje osoblja);

13. *Predlažemo* da tekst Deklaracije bude široko distribuiran od strane EPAC i EACN partnera u državama članicama, i šire, uključujući i relevantne institucije Savjeta Evrope i Evropske unije.